

Lainamääräykset

Tervetuloa!

Met toivoma, ette sie saat paljon iloa sinun pipluteekkikortista!

Sie saatat lainata kirjoja, filmiä, musiikkia, tv-peliä, avisia ja paljon muuta Göteborgin pipluteekistä ja kirjapysistä.

Lainaaminen ei maksa mithään, mutta joitaki määräyksiä sie piät seurata. Tässä folterissa seisova tärkeimät asiat, jotka tarttet tietää.

Arvopaperi

Pipluteekkikortti oon henkilökohtanen arvopaperi. Jos sie sen menetät sie hääyt sen varsin panna kiini.

Sie saatat panna kortin kiini vuorokauen ympäri telefonivastaajassa, soita 031-368 34 34.

Sie olet vasthuussa kaikesta mitä sinun kortila lainathan. Moolsmanni oon vasthuussa lasten kortista ja lainoista, joita niillä otehaan.

Laina-aika

Laina-aika oon tavalisesti kolme viikkoa ja sie saat kuitin, jossa seisoo koska lainan häätyy jättää takasi. Sie olet vasthuussa sinun lainoista kunnes olet net jättäny takasi.

www.gotlib.goteborg.se : täältä löyät kaikki mitä oon lainattavissa, täällä saatat kerrata lainauksen, varata tiitlaria ja nähä laina-aijat.

Jos siihen, mitä lainaat, tullee vikkaa taikka jos se katoaa niin sie hääyt sen korvata. Pipluteekki ei ole vasthuussa niistä vahinkoista, joita oon sattunu ko sie olet käyttäny lainattua metiata.

Hiljastunheet lainat

Jos sie et jätä lainaa aijoissa takasi sie hääyt maksaa makson. Ekstra palveluksena sie saatat valita muistutuksia sms:n ja sähköpostin kautta. Silloin lähätethään muistutus kahta päivää ennen ja päivää jälkhiin sen päivämäärän ko olis pitäny jättää takasi. Tavalisen postin kautta sie saat preivin hiljastunheesta lainasta kahta viikkoa jälkhiin sen päivämäärän ko olis pitäny jättää takasi. Räkinkit, joita ei makseta, menevä perimiseen.

Sie olet itte vasthuussa yhtheystietojen päivittämisestä, jos net muuttuva.

Maksot

Sinun ensimmäinen pipluteekkikortti oon maksoton, uusi kortti raahvaile maksaa 25 kruunua ja lapsile 10 kruunua.

Hiljastunheet lainat: 3 kruunua/arkipäivä, enniiten 60 kruunua/kappale.

Hyyryfilmi: 5 kruunua/arkipäivä, enniiten 100 kruunua/kappale.

Sie hääyt korvata lainan, johonka oon tullu vikkaa taikka joutunu hukhaan. Nämät maksot saattava aijan myötä muuttua.

Rejisteri

Sen, mitä sie lainaat taikka varraat, rejistreerathan. Sinun tiot on suojattu ja poistethaan ko sie jätät takasi lainan. Jos sulla oon velkoja pipluteekile tiot oon jäljelä kunnes velka oon maksettu. Jos sinun velka oon yli 100 kruunua sinun pipluteekkikortti panhaan kiini kunnes se oon maksettu.

Taattorit

Pipluteekissä oon taattoria, jotka oon käytettävissä ilman maksoa.

Sie et saa hakea etkä julkasta pornikrahvista, rasistista taikka laitonta materiaalia. Sie et saa käyttää jonku toisen tunnussannaa taikka itentiteettiä.

Ole varovainen käyttäessä teknisiä kampeita, ilmota viat henkilökunnale ja kunnioita ihmisiä sinun ympärillä.

Göteborgin pipluteekki
www.goteborg.se/bibliotek

Määräysten hyväksyminen

Mie olen ottanu ossaa Göteborgin pipluteekin lainamääräyksistä. Mie sitou'un seuraamaan niitä ja olheen informeerattuna määräysten muutoksista.

Pipluteekkikorttinumero:

Telefooninumero:

Sähköpostiosote:

Nimikirjotus:

Määräysten hyväksyminen myönytys, ette alaikänen saapi pipluteekkikortin

Mie hyväksyn, ette minun poika/tyär saapi pipluteekkikortin ja, mie olen ottanu ossaa Göteborgin pipluteekin lainamääräyksistä.

Moolsmannin nimikirjotus:

Nimiselvitys:

Moolsmannin sähköpostiosote:

Lapsen persunanumero:

Lapsen etunime ja sukunimi:

För personal

Signatur:

Datum:

